



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Indictio, Acta & Decreta Synodi Diœcesanæ Paderbornensis**

**Diözese <Paderborn>**

**Nevhvsii, [1688]**

Ordo Ac Series Episcoporum Ecclesiæ Paderbornensis. Ab anno Christi  
DCCXCV. Ad Annum MDCLXXXVIII.

**urn:nbn:de:hbz:466:1-36013**

ORDO AC SERIES  
EPISCOPORUM  
ECCLESIAE  
PADERBORNENSIS.

*Ab anno Christi DCCXCV.*

**AD ANNUM MDCLXXXVIII.**

	Anni	
	Sel- fio- nis.	Obi- tus.
I. B. Hathumarus, è Primariâ apud Saxones Nobilitate natus, unus è duodecim obsidibus Regi Carolo Magno datis, ab eodemque Ecclesiâ Paderbornensi anno 795 Præfatus: Vir gravis, & eximiâ vitæ sanctimoniam Præditus; sub quo exstructum Collegium Canonicorum prope sumam Ædem. Sedit annis	20	815
II. B. Baduradus, ex Westfaliæ nobilitate, olim cum B. Hathumaro in Clero Herbipolensi enutritus, Præfulus sanctitate vitæ, & rebus pro Ecclesia & Imperio præclarè gestis inclitus; cuius studio corpora SS. Liborij Episcopi & Landelini Confessoris ad hanc Dicecesin translata. Præfuit	45	859.
III. B. Luthardus, Nobilis Dicecesis Paderbornensis, Episcopus innocentissimæ ac optimæ vitæ, Fundator illustris Canonicarum Virginum Collegij in Nienheerse, cui tororem suam B. Walburgem primam antistitem præfecit; rexit laudatissimè	27	886
IV. Biso, Vir integræ vitæ, & magnæ apud Imperatores auctoritatis, præfuit optimè ac utilissimè	22	908
V. Theodoricus I. Gubernavit hic Ecclesiam suam sumam cum laude annis	7	915
VI. Unwanus, cuius prudentia in varijs concilijs & conventibus spectata. Sedit	20	935
VII. Dudo. Præfuit hic piè ac prudenter annis	25	960
VIII. Volcmarus, è Corbejensi ad Visurgim Monasterio ad Episcopatum Paderbornensem assumptus, Vir Deo & Pontificio honore dignissimus. Sedit	23	983
IX. Retharius; Sub cuius gubernatione, anno Domini millesimo, conflagrat major pars urbis Paderbornensis cum magnificâ Cathedrali Basilicâ à Carolo M. olim inchoata, libris item & privilegiorum diplomatis ac alijs ornamenti omnibus. Rexit Ecclesiam suam sapientissimè	26	1009
X. Meinwercus, Comes Gelrius, alter Episcopatus Paderbornensis Fundator, utpote quem multis cùm è propria hereditate, tum à S. Henrico consanguineo suo obtentis possessionibus ita locupletavit, ut è paupere divitem fecerit. Incinxit hic Civitatem Paderbornensem mænibus, in eaque restauravit Ecclesiam Cathedram, ædificavit & fundavit Collegium Canonicorum in Bustorff, item Monasterium Ordinis S. Benedicti, Abdinghoff dictum. Habuit Gymnasium literis & pietate florentissimum, multaque alia præclarissimè instituit. Sedit annis	27	1056
XI. B. Rotho, Baro de Büren, ex Abbe Hirtfeldensi designatus à Conrado Salico Episcopus Paderbornensis. Ab hujus Epicopi benedictione fons, vulgo Rotherborn, ægris olim salutaris, adhuc hodieum ad descensum sumi templi prope curiam Decanalem monstratur. Laudabilissimè præfuit	16	1052
XII. B. Imadus, Nepos B. Meinwerci. Sub eo rursum magna pars urbis igne absunta cum Cœnobio Abdinghoffensi & Cathedrali Ecclesia; quam tamen brevi instauratam consecravit, in eaque elevavit corpora primorum hujus		

*Catalogus Episcoporum Paderbornensium.*

		Anni
	Sel- fion.	Obi- tus.
hujus urbis Antistitum, ipse inter sanctissimos Saxoniam Episcopos suo anno jure recensitus. Praefuit optimè ac summa cum laude	23	1076
XIII. Poppo. Nobilis ab Holte, Praepositus antea Ecclesiae Bambergensis. Con- secravit hic cum S. Altmano Episcopo Passaviensi, Ecclesiae Paderbornen- sis olim Scholastico, Cœnobium Abdinghoffense, aliaq; Episcopalia munia præclarè suis temporibus obivit, Vir magnæ inter suos auctoritatis, ac Zeli pro disciplinâ Cleri conservanda. Sedit	9	1084
XIV. Henticus I. Comes de Aslo. Pellitur hic è sede sua à Schismatice, & præfi- citur deinde Ecclesiae Magdeburgensi. Paderbornensem Cathedram tenuit	5	—
XV. Henricus II. Comes Werlensis ab Henrico Rege intrusus. Schismaticus primum, at deinde Ecclesiae reconciliatus, Diœcesin suam bene gubernavit	38	1127
XVI. Bernardus I. è Nobili familia de Osede & Canonicu Paderbornensi ele- ctus Episcopus, impetrat pro se suisq; successoribus usum Rationalis: con- dit Cœnobium Cisterciensium, Vulgo Hardheusen dictum: Liberalissime juvat alios in fundandis Monasterijs, S. Mariæ, vulgo Marienmünster viro- rum, Gerdenii & Wilbacensi fœminarum Ordinis S. Benedicti: Videt de- nuo conflagare magnam' urbis partem cum Cathedrali Ecclesia, quam postea restauratam contegravit. Sedit hic integerrimæ castissimæq; vitæ antistes	33	1160
XVII. Evergillus è Clero Paderbornensi electus, vir ætate & moribus gravis, qui quartum urbis suæ incendium magno animi mærore spectavit. Praefuit	18	1178
XVIII. Sifridus, Praepositus antea majoris Ecclesiae Paderbornensis, præful omnibus carus, & ob modestiam, vitæ integritatem, canamque sapientiam ma- gnæ apud Principes & vicinos Comites auctoritatis. Episcopatum suum ad- modum feliciter administravit	7	1186
XIX. Bernardus II. Nobilis ab Osede, Antistes Apostolicæ Sedi addictissimus, idemque religiosissimus, & integerrimæ vitæ, cui primæ semper curæ fuit, Cleri & religiosorum conservare disciplinam, fovere pauperes, & jus omni- bus dicere. Praefuit fideliter & feliciter annis	17	1203
XX. Bernardus III. ex eadem nobili familia ab Osede, Præful magni Zeli, & va- riorum Cœnobiorum eximius benefactor, sub quo Cathedrale Canonico- rum Collegium non modò Comitum & Nobilium filijs, sed & viris in omni genere literarum eruditis fuit florentissimum. Rexit	20	1223
XXI. Oliverius, olim Scholasticus Paderbornensis, è nobilitate Westfalica oriundus, vir potens opere ac sermone, & plurium gloria mirabilium illu- stris, translatus deinde ad sedem Sabinensem, & Cardinalium Collegio adscriptus. Sedit Paderbornæ	3	—
XXII. Willebrandus Comes Oldenburgicus, ad Ultrajectinæ gubernationem Cathedralæ paulò post electionem Paderanam vocatus, Diœcesi Paderbor- nensi utiliter prudenterque præfuit	2	—
XXIII. Bernardus IV, Comes Lippiensis. Primus hic, qui communem Canoni- corum vitam habitationemque in unâ claustrî disciplina à majoribus acce- ptam dissolvi passus est; Præful ceteroqui modestia animi, integritate vitæ, & liberalitate in egenos Ordinumque religiosorum Cœnobia egregius; qui & magna omnium ordinum concordia & bona cum vicinis pace Ecclesiam suam administravit annis	19	1247
XXIV. Simon I. Bernardi præcedentis Nepos. Dedit hic facultatem Warbur- gensibus, utrumq; oppidum suum muris incingendi: Celebrandum solen- niter in Diœcesi sua sanxit festum undecim millium Virginum: Varia de- mum fortuna usus præfuit Ecclesiae sive	31	1277
XXV. Otto Comes Ritbergensis, Vir acris ingenij & præcelsi animi, quo rebel- lantem urbem Paderbornensem compescuit, & varias cum vicinis Principi- bus controversias feliciter composuit; benè adhæc de religione meritus, quam disciplina Cleri, Cœnobiorum flore, & avita populi pietate integrum conser-		

Catalogus Episcoporum Paderbornensium.

		Anni
Sef- sion.	Obi- tus.	
30	1380	
3	—	
10	1320	
19	1340	
21	1361	
20	1380	
8	1389	
6	1394	
5	—	
1	—	
16	—	
47	1463	
36	1498	
10	1508	

consevavit, auxitque introducto in oppidum Warburgense conventu FF. Prædicatorum, Episcopatum suum magna ordinum concordia gubernavit  
**XXVI.** Guntherus, Comes Swalenbergensis, electus antehac Archiepiscopus Magdeburgensis, vir maturitate ætatis, modestia, prudentia, atq; omnium pontificalium virtutum ornamenti conspicuus, ultrò cedit, & Cathedram æmulo relinquit. Præfuit annis ferè

**XXVII.** Theodoricus II, gente Hassus ex Dynastis Iteranis, Episcopatum suum magna tranquillitate, magnoque ejusdem bono administravit

**XXVIII.** Bernardus V, Comes Lippiensis; hic temporali juxta ac spirituali Diœcesis suæ bono intentus, instituit Parochias, celebravit Synodos, insurgentes contra se Civitates Paderbornensem & Warburgensem ad obsequium adduxit, dissidentes alias urbes composuit, sancivit cum Capitulo Cathedrali, ne quis indignus ad id admittatur, pluraq; alia patriæ utilia constituit, verè magnanimus ac victoriosus Princeps. Præfuit

**XXIX.** Balduinus Comes de Steinford, qui Ecclesiæ suæ acquisivit Castrum Bredenborn, & partem Comitatus Swalenbergensis & Oldenberensis: instituit festum conceptionis B. Virginis: promovit cultum Ven. Sacra-menti decretâ annua Supplicatione. Sedit

**XXX.** Henricus III. Dynasta Spegelius ex Desenberg, Abbas antea Corbejensis, & Coadjutor Paderbornensis, Princeps generosi animi, ideoque ab Imperatore constitutus defensor Ecclesiæ Hildesiensis, & ab Electore Coloniensi Mareschallus Ducatus Westfalia; Diœcesin suam contra hostes egregiè defendit, in eaque exceptit Carolum IV. Imperatorem. Præfuit

**XXXI.** Simon II, Comes Sternebergius, Cathedralis antea Ecclesiæ Decanus, telo confossum obit in obsidione arcis Brobekianæ. Præsedit annis

**XXXII.** Robertus, Guilielmi Duci Montensis major natu filius, unanihi Canonicorum consensu è Pataviensi ad Paderbornensem Episcopatum postulatus, Princeps quâm juvenis ætate, tam maturus judicio & virtute, extinguitur in obsidione Batbergæ. Sedit

**XXXIII.** Joannes Comes de Hoja. Is superatis Ecclesiæ suæ hostibus Batbergicis, transit deinde ad Ecclesiam Hildesiensem, à Gerardo cognato suo, ejus loci Episcopo, in Coadjutorem assumptus. Rexit Episcopatum Paderb. anis

**XXXIV.** Bertrandus, Italus, Ferrarensis, à Pontifice nominatus, at rejectus à Paderbornensisbus, & mox in Italiam regressus, fuit in Diœcesi vix anno

**XXXV.** Wilhelmus Dux Montium, à Clero electus. Edidit hic statutum de obedientijs Canonicorum: reformavit Cœnobium Bodecense, pulsis secularibus virginibus, & introduxit Canonis Regularibus: devicit Comites Spegelbergicos & cives Hamelenses: compotuit Electorem Coionensem Delbrugiam invadentem; at tandem exauktoratur à suis, postquam Diœcesin gubernasset annis

**XXXVI.** Theodoricus III. Comes Mörsanus & Archiepiscopus Coloniensis. Conatus hic Diœcesin Paderbornensem Archidiœcesi Coloniensi perpetuo conjungere; at obstiterunt Status patriæ, & à proposito tandem depulerunt. Geffit deinde diuturnum cum Susatenisbus bellum. Præfuit annis

**XXXVII.** Simon III. Comes Lippiae, qui post bella cum Landgravij Hassia & Mindensibus gesta, administrationem Diœcesis transtulit in Hermannum Archiepisc. Colon. Sedit

**XXXVIII.** Hermannus I. Landgravius Hassia, Archiepiscopus Coloniensis, Princeps pacificus, ptæfuit

**XXXIX.** Ericus Dux Brunsvicensis & Grubenhagijs, Princeps pace ac justitia nemini secundus, è Canonico Paderb. postulatur ad Cathedram Osnabrugensem, deinde ad Paderbornensem, ac demum ad Monasteriem. In Diœcesi Paderbornensi tumultuantes adversum Canonicos cives sedavit;

*Catalogus Episcoporum Paderbornensium.*

Sef- fio- nis	Anni	Obi- tus.
23	1532	
XL.	Hermannus II. Comes de Weida, & Elector Colonensis, ob hæresin à Pontifice exauktoratus, cedit, postquam hanc Diœcesin gubernasset	14
XLI.	Rembertus à Kerschenbroch, unanimi Canonicorum consensu electus, Pontifici carus, ideoque libenti animo ab eo confirmatus. Diœcesin magna clementia ac justitiae laude gubernavit; quām cùm contra irrumptem hæresin pro voto defendere non posset, mœrore animi contabuisse creditus est. Sedit annis	21
XLII.	Joannes II. Comes de Hoja, Episcopus simul Monasteriensis & Osnabrugensis, Cameræ antea Spirensis Præses, vir multiplici eruditione & linguarum peritia ad stuporem celebris, & ob insignes animi dotes summis quibusque commendatus. Præfuit	6
XLIII.	Salentinus Comes Isenburgicus, & Elector Colonensis, Episcopatu renunciat post annos ferè	4
XLIV.	Henricus IV. Dux Lauenburgicus, Archiepiscopus Bremensis & ad Administrator Osnabrugensis, sub quo plenam hæresis naœta libertatem, urbem & Diœcesin misere vastavit. Ex equo deinde Princeps hic hæreticus deturbatus, fractaque cervice mortuus, Diœcesin sanioris animi Episcopo gubernandam reliquit, postquam rexisset annis	8
XLV.	Theodorus à Fürstenberg, Præpositus antea majoris Ecclesiæ, ita de Diœcesi meritus, ut Pater Patriæ sit appellatus. Princeps hic justitiae tenacissimus, nullum ferè vitium reliquit in ultum, cui & patria debet, quod ab erroribus ad sanam fidem sit reducta. Urbem Paderbornensem rebellantem ad obsequium coëgit, in eaque Collegium pro Patribus Societatis JESU & Academiam juventuti erudiendæ fundavit, ratumque habuit, ut PP. Capuccini in eandem introducerentur. Diœcesin multo ære alieno liberavit, & exstructis restauratisque arcibus exornavit: Cathedram Ecclesiam annuis pluribus redditibus locupletavit, pluraque alia Princeps ac Episcopo digna egit. Præfuit annis	33
XLVI.	Ferdinandus I. Dux Bavariae, Elector & Archiepiscopus Colonensis, Episcopus simul Monasteriensis, Hildesiensis & Leodiensis; sub quo Diœcesis Paderborn. Stetit tuta, ne in inhiantum hæreticorum manus dilaberetur; idemque curavit, ut direptas ab Acatholico Halberstadiensium Princepe Christiano S. Liborij Tutelaris sui reliquias reciperet. Administravit hic optimus Princeps Diœcesin Paderbornensem	32
XLVII.	Theodorus Adolphus à Reck, Præpositus antea Majoris Ecclesiæ Paderbornsis, vir eximia rerum agendarum prudentia, & rara in Deum ac Cœlites pietate inclytus, qui devastatam plurimorum annorum bellis naœtus Diœcesin, ita in temporalibus ac spiritualibus eam gubernavit, ut restituisse dici possit. Præfuit annis	10
XLVIII.	Ferdinandus à Fürstenberg, absens electus, cùm Romæ Pontifici à cubiculis deserviret. Antistes hic literarum amantissimus, & zelosissimus propagandæ fidei & divini cultus plura tempa vel instauravit vel plane è fundamentis erexit: multas in varijs orbis partibus missiones magno sumptu fundavit: Exædificavit templum & monasterium PP. de Observantia Paderbornæ, & PP. Capuccinis Braculena: insigni argentea supellecstile exornavit Cathedram templum Paderbornense, & Monasteriense, ubi & antea Episcopus electus fuerat. Administravit Diœcesin Paderborn.	23
XLIX.	Hermannus Wernerus L. B. Wolff Metternich ex Gracht Præpositus Ecclesiæ Hildesiensis, & Decanus Paderbornensis, unanimi Canonicorum consensu electus Anno 1683, 15 Septembris. Cui modo Diœcesin Paderb. gubernanti, longam omnes vitam & felix regimen appræcantur.	1683